

- Si prece, si pretio laxatur captio capto,
Obside suscepto, seu firmo sit sacramento.
- 1185 Qui hos vocat ad cameras, piperatas porrigit escas,
Mollia strata jacit, quaecunque tacenda resolvit,
Nulla catena premit, nec ferrea passio cogit,
Excors, follus eques, abnormis garrulus idem est,
Et perit ut lupus hic condigno fine perhemptus;
- 1190 Nam multi pereunt, quia sensu vivere nolunt.
Non jactu lapidis, nec jacto missile quovis,
Captio fit castri tanti, sine caede, peculii,
Ingenii sensus prudentum fortis et astus
Milibus armatis citius dominatur inhermis.
- 1195 Credite, consocii, me visit gratia Christi.
Conserve fidem, nodosam pellite fraudem,
Subveniat frater fratri, pro posse fideli:
Talibus hosce monens Christo mandaverat omnes.
Dum redeunt pariter, affatur talia mater:
- 1200 'Cur non, nate, refers, quae saevus fecerit hospes?
vitulus.
'O, mater, peccas dum tristia metra retractas,
Taedet sacrilegas antri percurrere curas,
Has si plus refero, fastidia magna parabo:
Dulce sonat modicum, confert fastidia magnum.
- 1205 Pertuleram triste, quod sic tardastis utrique,
Prorsus jucundam noctem produximus istam,
Posedi socium, qui fletum fudit amarum,
Pro me saepe rogans lacrimas eduxit amaras:
Luter ridiculus famoso est nomine dictus
- 1210 "Attractans amnes, piscosi gurgitis heres."
Hisce meis oculis detersit signa meroris
Sub noctem gelidumque foco calefactat amicum.
Non tamen adversis insomnia duximus austris,

1210 anrectans A. 1210 340 222 1210 340 222